

沈雲龍編輯

明清史料彙編

集 八

第十冊

文海出版社

有限公司印行

遺民詩序

當天步移易之際天之生才反獨厚而人之稟受者亦不一其剛烈清正之氣大則發為死事之忠臣次則蘊為肥遯之志士死事者名垂青史固無論已獨是肥遯者斂迹巖穴一往不返或為袁閎而土室自封或為范粲而柴車終老或為唐珏謝翱而夜哭西臺涕灑冬青甚或戢影方外如雪菴和尚之流類皆胸蘊英奇不克見之行事不得已而寄之于言況既謝絕塵事自畢力學問其所纂著俱堪風世雖曰身將隱

矣焉用文之諸君子固無意于流傳而彼爲造化者豈肯閉塞所稟受之氣而使其所蘊之英竒泯沒于天下後世乎此諸君子往往有詩歌存於宇內者也第生各異地遺詩渙散不盡昭昭於耳目間近者易于搜羅遠者難于畢集久之能保其無傳流湮沒之不齊者歟予竊謂諸君子之始迹雖不倫要其歸則心皆不貳實所謂同類也同類則當使其相聚其間有性情孚而交稱莫逆者亦有山川間之而托諸神交者余多方搜採久而成集而諸君子之詩爲之一

聚則諸君子之性情亦爲之一聚其稟諸大造之氣蘊而未盡洩之奇當亦爲之一聚如聞歌泣太息于一堂各吐其胸臆而無間使天下後世皆得而窺見之豈非一大快乎寶香山人卓爾堪序

遺民詩序

予嘗觀宋自南渡以迄於亡其詩文流傳於後世者不特李伯紀宗如霖張德遠文文山諸忠臣之集而已他如謝疊山劉須溪鄭所南謝皋羽諸君子生當德祐祥興末造身不攝尺寸之柄無宗李張文絲粟之勞徒以時移世易矢志孤忠獻歌傷懷放廢山澤以終老而其詩文流傳至今亦若與宗李張文等此非有宋之遺民哉即勝國可知矣夫遺民之稱何昉乎大雅雲漢之詩曰周餘黎民靡有孑遺而衛懿公之國

滅身殲也春秋傳云衛之遺民男女宵濟河是則古今所稱遺民大抵皆在凶荒喪亂亡國之餘而忠義牢騷者多出於其中其歌也有思其哭也有懷孔子刪詩未嘗盡存風雅之正而逸其變又豈能使狂童怨女放士鮮民皆奏清廟之音而不爲黍離板蕩之詠也哉是故人不一境境不一詩各自道其志之所感已爾寶香主人卓子任氏集勝國遺民之詩自姜公如農以下若干人梓爲十六卷來請敘於予予讀其詩類皆孤清凜冽幽憂激楚如對空山積雪寒氣

中人可爲窮愁之音易工矣然皆敦厚而不流
於焦殺史遷所云小雅怨誹而不亂茲爲近之
夫濮水之清商天津橋之杜鵑雖非盛世所宜
聞然譬諸霜雁叫天秋蛩吟野亦氣候所感使
然非謂天壤間必不可有此淒清之響也或疑
如姜公塚張公怡輩嘗仕宦矣奈何一切皆民
之非也孔子論次逸民虞仲固有土之君柳下
惠亦三仕爲士師者也夫旣逸矣槩從而民之
何爲不可乎烏虜詩必發憤而作非徒然也故
黃山谷曰北征不可無而南山可不作讀勝國

遺民詩幾與德祐祥興諸君子爭烈矣旣版行
遂不辭而序之西陂宋榮譔

遺民詩凡例 十則

茲集名遺民詩自顯仕以及布衣咸曰遺民
祖魯論敘列逸民虞仲國君展禽士師與
朱張少連並稱之義也且前人有長留天
地間集又有遺民錄皆仕隱相間則此亦
不必區而別之

余生也晚未能遍悉諸君子事實爲之立傳
然出處爵里不可不載茲從諸詩序傳誌
中採其一二倣品彙式列於目錄內其詳
者亦約言之畧者寧缺弗敢虛飾讀其詩

梗概自見其間有事功顯達於前者史傳
已載尤畧

不加圈點并不載評語圈點固不合古評語
尤不敢輕以諸君子之詩多近變風變雅
旨趣所在卽間窺及亦難言之

詩最多者諸體必備俾讀者得窺全豹然必
於諸體中擇其所長者多錄之其所短者
間登一二焉

遺民惟重末路苛求其他吾則何敢
人與詩並重然人更重于詩其有以人傳詩

者詩不過數首雖有微瑕亦所必錄
詩所尚不同有雄渾高老者有清新綺麗者
惟善是擇能兼有者亦兼錄之不繩一律
詩題亦所最重況當易世之際紀忠紀烈紀
事等詩雖有小疵未敢盡棄

傳世之作人生平無幾貴精不貴多但欲悉
諸公生平涉歷并末路懷抱以暢心目非
多錄不可若俱楓落吳江亦奚貴焉

俱選已往遺民之詩得詩卽梓先後故無詮
次其間有得其全集選至百數十首者其

通言
餘未見全稿或僅得數首或數十首者姑就所見錄之俟覓得全稿選入再見中至耳目所未逮正在訪求補入四方同志倘有留心收錄者敢懇郵筒惠寄以便續選入集不致憾于遺漏

遺民詩目錄

卷一

姜

埰

字如農一字卿墅山東萊陽人進士爲儀真令有惠政擢禮科給事以劾柄臣忤旨廷杖繫詔徵備受楚毒九死弗移謫戍宣城中途遇改元赦奉母居吳門歸歿語兩子安節實節曰死必埋敬亭吾戍所也戍者吾君所命吾未聞後命而君亡吾猶臯人也敢以異代背死君哉於是莖於宣城著有正氣集紀殉難諸君子敬亭集志成所吳中士君子立祠虎丘祀之私謚貞毅

張

怡

一名遺字瑤星號薇菴人稱白雲先生上元人錦衣衛百戶隱攝山白雲菴紙屏書忠孝二大字麻衣葛巾終其身五十餘年不入城市著有玉氣劍光集數百卷

黃周星

一名人字畧似一字九烟號而菴湖廣江夏人進士隱居江南性孤冷寡言笑少年多著作作從長沙過洞庭夜半爲劇盜所掠盡取舟中圖籍投之水後復著成集乙酉夏五

避跡蕪陰蒼黃從子鑄

叢中攫得一集挈之以行復爲盜掠今所存皆鼎
革以後所作頗近於騷素懷靈均之志終投秦淮
以死選唐詩快
著夏爲堂詩集

萬壽祺

字年少淮安人孝廉以豪傑自命與閻爾梅稱同志
後効未收遷徙無定所有張儉望門投止之意著隰
西草堂

詩集

傅山

字青主一字公之它號朱衣道人披絳纈居土穴
中紀映鍾贈以詩有朱衣一道人土室度殘春句
與乾初道人交契同負翟義之志不免於死者幾
再舉博學宏詞不赴書畫妙古今人爭重之賣以

自給

梁以樟

字公狄號鰲林井直清苑人進士官商丘今壬午春
李自成攻商丘公率民防禦賊衆城陷傷刃仆地死
而復甦甲申後隱居白田當商丘陷
時妻張氏自焚死王猷定爲之傳

李清

字暎碧一字心水揚州興化人進士歷官工科給事
陞大理寺丞嘗爲遜國諸臣請謚建祠年未五十隱

居棗園杜門不出著述甚富時稱史學名儒有三垣奏疏三垣筆記南渡錄南北史合註澹寧齋史論澹寧齋雜著正史摘奇外史摘奇古今不知姓名錄女世說三餘瑣錄諸書行世

王猷定

字于一號軫石江西南昌人文學性伉直遭亂移家多歷艱險與杜茶村稱性命交精楷法以古文

自雄著四

照堂集

呂大器

字儼若號東川遂寧人崇禎中進士爲吏部主事遷關南道叅議調湖廣駙傳道陝西撫按奏大器

文武才詔復以守固原遂擢僉都撫甘肅晉宣大總督入補兵部侍郎更命總督保定時勤王師多敗大器軍獨全晉一秩張獻忠破武昌左良王爲李自成敗師潰沿江而下時大器督江楚親入良王營授方畧師復振弘光時爲兵部侍郎劾馬士英擅用匪人後進兵部尚書大學士卒于都勻年五十

三

徐枋

字昭法號侯齋吳縣人孝廉文靖公沂長子隱居澗上不見一人湯潛庵中丞三訪之終不得見責

畫自給有
澗上詩稿

范鳳翼

字異羽號太蒙揚州通州人進士累官吏部文選郎
爲東林之望隱狼山與高僧野老游著超逍遙章子

國祿亦以

詩名世

顧夢游

字與治江寧人貢士雅懷深致敦友誼宋理致請善
文者誌其墓三千里往聞收其散佚遺稿已所作詩
隨手散去書法精勁桐城方文於絹素箋面及尺紙
寸幅裒輯成稿晚年爲洲田所累窮困自甘

杜祝進

字退思湖廣黃岡人進士偕其子濬
紹歆隱金陵高風苦志爲世所重

湯燕生

字岩夫太平人布衣性朴質精漢隸授徒自給志
尚甚高縣令餽金不納亦不在見赭山四詩可以

槩見其

生平矣

費經虞

字仲若四川新繁人孝廉累官太守見國事日非
求退不得遂削髮自罷歸偕其子密徙居江都野

田著書講學有雅倫荷

衣集行世私謚孝貞